

09 Moranang 2020

LELEME LA GAE LA THUTO YA MOTHEO

Madume go bašomi ka nna ba thuto ya Leleme La Gae la Thuto ya Motheo,

Dipapadi tsa go tlwaelega tša go kaonafatsa bokgoni bja medumo le go arogantšha medumo di a latela ka fase. Re kgopela gore le leke go di fetišetsa setšhabeng sa tikologo yeo le dulago go yona ka nako ye ya go itswalelela ka magaeng.

PAPADI YA MATHOMO: MEDUMO YA GO OPELWA GOTEE KA MAGOSWI

- Tsebiša bana gore ba tlo neelwa ditaello ka go nanya kudu bjalo ka khudu.
- Tsebiša bana gore ba theeletše ka kelohlolo gore ba kwešiše ditaello tšeo ba di fiwago.
- Ge ba kwešisitše ditaello tše ba di neetšwego, ba di latele.
- Kgopela bana gore ba emelele.

Nea ditaello ka go kgaogantšha mantšu ka medumo bjalo ka:

- /k/ /i/ /t/i/m/a/
- /t/s/h/e/l/a/
- /s /e/ /g/a/

Morero wa papdi ye ke go:

- *Opela medumo gotee ka magoswi go bopa lentšu.*
- *Ka ge bana ba yhoma ka mokgwa wa go opela medumo, ba swanetše go ba le bokgoni bja go kgomagantšha medumo yeo go bopa mantšu ao gape!*

PAPADI YA BOBEDI: KOŠA YA GO KGAOLA MANTŠU KA DINOKO

Ruta bana koša ye mpšha:

'Bana ba sekolo, bana ba sekolo, tlang sekolong...'

Naa o ka kgona go opela leina la gago magoswi?

Direla bana mohlala wa opela dinoko ka leina la gago

- Tsebiša bana ka moka gore ba ope magoswi le wena ge o opa dinoko leineng la gago.
- Opela methaladi ye mebedi ya koša gape gomme o šupe ngwana.
- Ngwana o swanetše go opela dinoko tša leina la gagwe ka magoswi.

Bušetša papadi yeo le bana go fihlela e ba lapiša.

Morero wa papdi ye ke:

- *Go bontšha bana mohlala wa go arogantšha medumo ka go opela koša.*
- *Go ruta bana go arogantšha/ kgaola mantšu ka dinoko*
- *Go bontšha bana bohlokwa bja dipapadi le gore ge ba ithuta go bala le go ngwala ba swanetše go arogantšha/kgaola mantšu ka dikarolwana le go kgona go kgomagantšha dikarolwana tšeo gabotse.*

Re leboga maiteko a lena gomme le dule le bolokegile hle,

Go tšwa Sehlopheng sa NECT le sa Thuto ya Motheo